

Ang Inyong Responsibilidad

Siguruhing mayroon ang inyong tagapag-alaga ng bata ng mga emerhensiyang numero at mga patakaran. Ipaalam kaagad sa inyong tagapag-alaga ang anumang alergi ng inyong anak o anumang medikasyon o mga pisikal na kondisyon.

Kung ang inyong anak ay naiwan sa bahay kasama ng nakakatandang anak bilang tagapag-alaga, siguruhing malinaw sa tagapag-alaga kung paano kayo madaling makokontak nito. Maging handa kayo sa lahat ng oras kung kinakailangan o makipag-ayos sa isang matanda na mahihingan ng tulong na maaaring maging kapalit ninyo kung may emerhensiya.

Kinakailangan ninyong magbilin sa inyong tagapag-alaga ng bata ang inyong mga patakaran para sa inyong anak at ang mga gawaing bahay. Halimbawa, maaari bang magsama ng kaibigan ang inyong tagapag-alaga o kaibigan ng inyong anak, at ano ang gusto ninyong sabihin ng inyong tagapag-alaga sa mga tatawag sa telepono o kakatok sa pinto?

Kinakailangang piliin ninyo ang mga tagapag-alagang nakatapos ng kurso sa pag-aalaga katulad ng mga kurso sa St. John's Ambulance o ng Red Cross. Ang mga kursong ito ay maaari sa gulang na 11 taon.

Ang mga bata na ang gulang ay mababa sa 16 ay hindi dapat tanggaping tagapag-alaga lalo na at sa oras ng pag-aaral maliban na lang kung mayroon silang kasulatan na nagbibigay permiso mula sa lokal na Board ng Edukasyon.

Ang Aming Misyon

Ang protektahan ang mga bata at upang palakasin at suportahan ang pagiging nilalang ng mga bata at ng kanilang mga pamilya.

Ang Aming Pananaw

Pinagpahalagahang Mga Bata
Sumusuportang Mga Pamilya
Nagmamalasakit na Mga Komunidad

Pag-aalaga ng Bata

Alituntunin Para sa Mga Magulang

Peel Children's Aid

8 Nelson Street W., Suite 204
Brampton, ON L6X 4J2
Telepono: 905-796-2121
Paks: 905-796-2293

101 Queensway W., Suite 625
Mississauga, ON L5B 2P7
Telepono: 905-275-7444
Paks: 905-275-1600

www.peelcas.org

Peel Children's Aid



Pag-aalaga ng Bata

Alituntunin Para sa Mga Magulang

Ang magdesisyong kumuha ng tagapag-alaga sa inyong anak ay isa sa mga pinakamahalagang desisyon na magagawa ng isang magulang.

(The Child and Family Services Act) Ang Batas ng Mga Serbisyo Para sa Bata at Pamilya ay nagsasabing ang mga batang mula sa edad na 10 taon pababa ay hindi maaaring iwan na nag-iisa. Para sa mga batang ang edad ay 10 taon pababa, ang mga magulang ay may legal na responsibilidad na siguruhin ang kaligtasan ng mga anak. Ang mga maliliit na anak at mga sanggol ay nararapat lamang na bantayan sa lahat ng oras. Maging ang mga batang may edad na 8 at 9 taon ay hindi nararapat na iwan ng matagalan. Nararapat lamang na ang mga magulang ay laging handa para sa kaligtasan ng kanilang mga anak at iniisip ang kakayahan ng kanilang anak sa lahat ng mga sitwasyon kung ang mga ito ay nag-iisa.

Maging ang paglampas nila sa edad na 10 taon, ang mga magulang ay legal na inaasahang magsasagawa ng mga karapat-dapat na bagay at para sa patnubay ng mga anak hanggang tumuntong ng edad na 16 taon. Ang mga alituntuning ito ay isinasagawa upang makatulong sa mga magulang sa pagsasagawa ng mga mahalagang desisyon tungkol sa kaligtasan at pagiging mabuting nilalang ng mga bata. Kinakailangang tandaan ng mga magulang na ang edad ay hindi pumaparehas sa lebel ng pag-iisip at responsibilidad ng bata. Ang ibang mga bata sa gulang na 10 taon ay maaari nang alagaan ang sarili ng ilang oras. Ang iba naman sa katulad na edad ay walang kakayahang alagaan ang sarili. Kinakailangang magdesisyon ang mga magulang kung kailan handa na ang bata na mapag-isa at kung gaano katagal.

Kung madedesisyunan ang isang magulang na kumuha ng tagapag-alaga sa kanyang anak, ang konsiderasyon ay kinakailangang ibigay sa isang responsableng tao na makakagawa nito. Kadalasan, iniisip ng mga magulang ang mga nakakatandang mga anak bilang tagapag-alaga sa mga nakakabatang mga kapatid nito, maliban dito may mga katanungan din sila na kung sino ang tunay na karapat-dapat na piliing tagapag-alaga para sa kanilang anak.

Mahalagang tandaan na ang bawa't bata ay magkaiba. Katulad din ng ang batas ay hindi maaaring diktahan kung kailan magiging ligtas na mag-isa ang mga bata sa edad na 10 taon pataas, walang batas ang makakapagsabi ng tamang edad ng bata kung kailan ito maaaring mag-alaga. Responsibilidad ninyo na pumili ng isang tagapag-alaga na makakapagbigay ng mga pangangailangan ng anak kung kayo ay aalis.

Ang mga magulang ay kinakailangang gumamit ng sariling paghuhusga upang malaman kung ang nakakatandang anak ay maaari nang magbantay at mag-alaga ng nakakabatang mga kapatid nito. Kayo ay nagmamalasakit sa inyong anak sa lahat ng oras at kayo din ang nararapat na magdesisyon kung sino ang karapat-dapat na kumalinga at magbigay ng mga pangangailangan ng mga ito.

Sa pagpili ng tagapag-alaga ng bata, maraming mga bagay na dapat ikonsidera. Ang taong may tamang pag-iisip, abilidad, mapapagkatiwalaan, ang nakaraan nito at kakayahang maglutas ng mga problema ay ang mga bagay na dapat ikonsidera.

Mga Katanungan sa Inyong Sarili

Ang nakakatanda ba na anak ay makakapagbigay ng tamang paghuhusga at malawak ang karanasan sa paglutas ng mga problema ng nag-iisa?

Ang nakakatanda ba na anak o inatasang matanda ay mayroong problema sa pag-uugali o emosyonal o droga o alak na mga problema na magiging hadlang sa kaniyang abilidad upang responsableng isagawa ang tungkulin?

Ang inyo bang nakakatandang anak ay mayroong problema sa pag-uugali o emosyonal na magiging hadlang sa kaniya upang mag-alaga? Ano ang pakiramdam ng inyong anak sa tuwing iiwan sa tagapag-alagang ito? Siya ba ay masama ang loob o di kaya ay natatakot?

Gaano katagal ninyong kakailanganin ang tagapag-alaga ng bata? Kung sa pangmatagalan, ang ibig sabihin nito ay kinakailangan ng tagapag-alaga ang higit na responsibilidad para sa mga karagdagang gawain na nangangailangan ng mga malawakang kaalaman at tamang pag-iisip.

Ilang taon na ang bata na aalagaan? Ang edad na 12 gulang ay hindi nararapat na piliin upang mag-alaga ng sanggol o maliliit na bata, ngunit maaaring magbantay sa mga bata na ang edad ay 7 hanggang 8 taon pagkagaling sa paaralan.

Abril, 2003